

Informacija sa 19. sastanka Odbora Agencije za predškolsko, osnovno i srednje obrazovanje BiH

Odbor Agencije za predškolsko, osnovno i srednje obrazovanje BiH (u daljem tekstu: Odbor Agencije), održao je 26. 8. 2021. godine u Banja Luci svoj 19. redoviti sastanak.

Nakon usvajanja Zapisnika sa 17. sastanka Odbora Agencije i izvješća o realiziranim zaključcima sa istog sastanka, Odbor Agencije je primio k znanju Informaciju o pripremi periodičnog izvještaja o praćenju primjene modularnih nastavnih planova i programa u BiH, a odnosi se na sljedeće:

„Na sjednici Odbora Agencije koja je održana 23. marta 2021. godine data je informacija o praćenju primjene modularnih nastavnih planova i programa u Bosni i Hercegovini. Informacija je obuhvatila dosadašnji rad na prikupljanju podataka, obradi i analizi podataka i pripremanju periodičnih izvještaja. Predstavljeni su dokumenti u kojima su u predhodnih deset godina objavljeni izvještaji o modularnim nastavnim planovima i programima.

Tokom 2021. godine pripremljen je izvještaj na osnovu podataka koji su prikupljeni za period 2010-2021. godine. Kao prethodni izvještaji i ovaj je prvenstveno usmjeren na podatke o modularnim nastavnim planovima i programima ali obrađuje i druge podatke koji su značajni za oblast srednjeg stručnog obrazovanja i usklađivanje sa potrebama tržišta rada.

*Kao prilog ovoj informaciji data je radna verzija dokumenta **Modularni nastavni planovi i programi u srednjem stručnom obrazovanju u Bosni i Hercegovini u periodu 2010-2021. godine.***“

Odbor Agencije je u skladu sa svojim nadležnostima iz Zakona o Agenciji za predškolsko, osnovno i srednje obrazovanje („Službeni glasnik BiH“, broj 88/07), također zatražio informaciju o dostupnosti dokumenata i publikacija Agencije za predškolsko, osnovno i srednje obrazovanje, na službenim jezicima BiH, po područjima rada za pripremu preporuke Odbora nadležnim obrazovnim vlastima.

Banja Luka, 26. 8. 2021. godine

Odbor Agencije